

Trio's alle jaore

1974

Prins Sjeng 1 (Vullings) en zien adjudante
Thei (Peeters) en Herm (van Wylick)



Trio 1974:

Prins Sjeng I Vullingst

Adjutant Thei Peeters †

Adjutant Herm van Wylick

Vors: Pieter Ebus

Veurzitter: Pieter Ebus

Liëfspreuk:

**Laot alle zörg in de kas
Die zien ós noow allein tot las
Maak jen en lol, det is gezónd
Veural op Wiener-vastelaovendgrónd**

Gevraag ein stökske te schriève euver 't jaor wao-in weej de ièr hadde um Prins van ós Wien te meuge zien, wil ik gaer meiwerke. 't Jaor waas 1974, aoliecristis, autoloze zóndaag. Weej zien dan ouk oètgekómme as aoliesjeiks. Maar veurdet weej 's aoves oètkwame zien weej ièrs, op persuuënlik verzeuk, 's middaags bekind gemak aan de Raod van Elf in Sur Meuse. Det is idderein zièr good bevalle en noow nog steeds start 't nieje trio op d'n daag van 't oètkómme met veuraaf boeremoos met braodwors aete met de Raod van Elf en 't bestuur.


Daags nao 't oètkómme en 't vlagheise, hadde weej privéresepsie thoès, 2 orkeste, ein in de keuke en ein in de kamer, De Zwervers en "Die Lustige Dorfsmuzikanten" o.l.v. Frans Halferkamps. Alles beejein kwame d'r zó'n 130 persoeëne op de resepsie. Onder, baove op de trap, euveral zoote ze ! Ein gelök waas, det de toenmalige Chef du Protocol Gijs v.d.Broek de confetti had zeen staon en dae in de ganse kamer oètstruide. "zoeëdet d'r niks kós gebeure", zei Gijs? Eine schitterende tièd, allemaol die resepsies aafgaon. Hoeëgtepunte veur ós ware 't Jeugroeëje Kruuts, kranke en bejäärde minse bezeuke. Ouk meus me perbeere Wien-plaetjes te verkoupe, we ginge nao de kefees en perbeerde ze dao te sliete. Resultaat: mièr geld zelf oètgegeave aan rundjes, dan det we in kóste bringe veur de Wien !!!

Kantteikening redaksie:

**Op initiatief van Sjeng is 't inderdaad vanaaf 1974 ein traditie gewaore, det 's middaags véur 't Prinsebal, Raod en Bestuur*

en íereleeje op 'n (idder jaor weer ánder) geheim adres kinnis make met 't nieje Trio.

** Sjeng waas jaorelang lid van de Raod van Elf.*



* Sjeng waas ouk jaorelang veurzitter van de Technische Kemissie.

* Vanaaf 1982 wies 1994 waas Sjeng Veurzitter van v.v. "De Wien" en is daonao tot Ière-lid van de Wien beneump.

* Hae waas auk jaorelang veurzitter van 't Collega van Ald Prinse.

